

ԼԵՌՆԱՅԻՆ ՂԱՐԱԲԱՂԻ ԻՐԱԴՐՈՒԹՅԱՆ ՇՈՒՐՋԸ

Երեք ամիս է, ինչ չեն աշխատում մարզի արդյունաբերական ձեռնարկությունները, հիմնարկները: Լուռ են շինհարթակները: Մարդիկ փաստորեն հրաժարվում են աշխատելուց: Հրաժարվում են որովհետև նրանց բարձրագրած հարցերը առ այսօր չեն լուծված: Դրա հետ մեկտեղ մարդիկ հստակորեն գիտակցում են, որ գործադուլները վնաս են հասցնում երկրամասի տնտեսական բարօրությանը: Տարեսկզբից չի թողարկվել շուրջ 40 մլն ուրլու արդյունաբերական արտադրանք, չի իրացվել ավելի քան 5 մլն ուրլու կապիտալ ներդրում: Ծախազործման չեն հանձնվել հազարավոր բմբակմակերես, դպրոցների ու մանկապարտեզների հարյուրավոր տեղեր, վատթարացել է աշխատավորների նյութական վիճակը: Այն օգնությունը,

որ սակավ աստիճանով ընտանիքներին ցույց է տալիս «Ամարաս» բարեգործական ընկերությունը, բնականաբար չի կարող բավարարել կարիքավորների կենսական պահանջմունքները:

ԽՍՀՄ Գերագույն խորհրդի հանձնաժողովը եկավ, լսեց արցախցիների պահանջները, ցավակցեց ու վերադարձավ: Երեկ մարզի իրադրության և արցախցիների պահանջի մասին ԽՍՀՄ Գերագույն խորհրդի հանձնաժողովի նախագահի տեղակալ Բորիս Օլեյնիկը զեկուցեց Գերագույն խորհրդի նստաշրջանին: Հարց է դրվում հրատապ լուծել Ղարաբաղի պրոբլեմը, մարզը դուրս բերել ստեղծված իրավիճակից, մարզի բնակչությունը փրկել ինքնակործանումից: Սակայն նստաշրջանը դեռևս չի ասել իր վերջնական խոսքը: Արցախցիները սպասում

են նստաշրջանի որոշմանը: Այստեղ հայտնի է դարձել, որ ԼՂԻՄ-ի հատուկ կառավարման կոմիտեի նախագահ Ա. Վոլսկուն շտապ հրավիրել են Մոսկվա: Կան համապատասխան ցուցումներ՝ վերականգնել մարզխորհուրդը և կուսակցության մարզային կոմիտեն իրենց լրիվ լիազորություններով: Բայց արցախցիները գտնում են, որ դա, այնուամենայնիվ, իրենց բարձրագրած բուն հարցի լուծումը չէ:

Այսօր մարզը շարունակում է մնալ շրջափակման մեջ: Այն ամբողջությամբ կտրված է դրսի աշխարհից: Դեռ ավելին, մարզկենտրոնը գրեթե մեկուսացված է իր շրջաններից, իսկ շրջանները՝ իրենց գյուղերից: Մարտավերտի և Հադրութի շրջանների խոզաբուծական համալիրները կերերի պակասի պատճառով կանգնած են աղետի առջև:

Այդ կերերը ստացվում են Ադդամի և Հորադիզի կերային բազաներից: Իսկ նրանք կտրակաճապես հրաժարվում են ֆոնդով հատկացված կերերը տալ իրենց տերերին՝ մարտակերտցիներին և հադրութցիներին: Մինչդեռ ՆԳ մինիստրության ստորաբաժանումների պաշտպանությամբ այստեղ եկող ավտոմեքենաները քարկոծվում են ու դատարկ վերադառնում:

Չնայած անբարենպաստ տարվան, մարդիկ իրենց քրքրանաջան աշխատանքով գյուղմթերքների արտադրության մեջ վատ արդյունքների չեն հասել: Խաղողի առատ բերք է աճեցվել, սակայն դժվարություններ կան բերքը դաշտից սպառողին հասցնելու գործում: Դրությունը որոշակի դժվար է անասնապահության բնագավառում:

Լ. ՄԿՐՏՉՅԱՆ
(Մեր սեպ. թղթ.)